



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eisdem.

urn:nbn:de:hbz:466:1-20006


accensis vice nostra excommunicetis, & interdicatis, nunciatisque excommunicationis & interdicti vinculo innodatos: quos tamdiu volumus sicut excommunicatos & interdictos ab omnibus evitari, donec de perpetratis excessibus satisfaciant competenter, & si delicti qualitas hoc exegerit, ad sedem apostolicam cum testimonio litterarum Abbatis vel Capituli veniant absolvendi. Liceat insuper vobis, sicut à benignitate sedis apost. instantius postulastis, ut in solennitate, quam in translatione beatae Mariae Magdalene infra Quadragesimam annis singulis celebratis, ad gloriam Dei & laudem, ob solennitatis ipsius reverentiam, *Gloria in excelsis Deo* ad Missas de festivitate ipsius in monasteriis vestris solemniter decanteris. Nulli ergo &c. Datum Romae apud sanctum Petrum.

E I S D E M.

AD audientiam apostolatus nostri pervenit quod Canonici Castrici Centurij à sede apostolica indulgentiam impetrarunt ne pro injuriis à dominis ejusdem Castrici vicinis Ecclesiis irrogatis, Castrum ipsum subijci valeat interdictio: cujus libertatis occasione praedicti domini malignandi materiam assumptes, vobis & Ecclesiis vestris damna plurima & injurias intulerunt, de quibus nullam potuistis consequi rationem. Ideoque praesentibus vobis literis indulgemus, ut praescripta indulgentia in praedictum iustitiae & iuris monasterij vestri nullas vires obtineat in posterum vel effectum. Datum Romae apud sanctum Petrum.

GERARDO ABBATI
Virziliacensi.

VM à nobis petitur &c. usque ad verbum illud assensu. Devotioni tuae praesenti pagina indulgemus ut liceat tibi & successoribus tuis homines tuae subditos potestati, civili iudicio experiri coram te volentes, lite mota, juris ordine observato, ad iudicium convocare, & cogere appellatione remota ad iudicium quod iuste tuleris observandum. Nulli ergo &c. Datum Romae apud sanctum Petrum X. Kalend. Maij.



ABBATI ET CONVENTUI
Virziliacensi.

VM ad quorundam malitiam coercedendam in Concilio fuerit Lateranensi multa deliberatione statutum ut Archiepiscopi, Episcopi, Archidiaconi, Archiepiscopi etiam, & Decani, certum electionis numerum & personarum in Ecclesiarum visitationibus non excedant; quia, sicut audivimus, quidam ex praedictis personis id in Ecclesiis vestris nequaquam observant, super eo commoditati vestrae salubriter duximus providendum. Ideoque discretioni vestrae praesentium auctoritate concedimus ut si praenominatae personae numerum electionis & personarum in Concilio constitutum, cum Ecclesias visitant, excedere forte praesumpserint, & pro illis procuracionem exegerint, liberum sit vobis auctoritate apostolica denegare. Et si propter hoc in Ecclesias vestras vel Clericos vestros aliquam sententiam promulgaverint, ipsam auctoritate apostolica decernimus non tenere. Nulli ergo &c. Datum Romae apud sanctum Petrum.

E I S D E M.

VM à nobis petitur &c. usque ad verbum illud iustis precibus inclinati, conventionem inter vos ex una parte & dilectos filios nostros nobilem virum Petrum Comitem Nivernen. & Agnetem uxorem ipsius ex altera, per sollicitudinem venerabilis fratris nostri O. Hostien. Episcopi tunc apost. sedis Legati, mediante carissimo in Christo filio nostro Philippo Rege Francorum illustri unanimiter factam, super obligatione procuracionum, quas ipse Comes in Pascha & festivitate sanctae Mariae Magdalene ab Ecclesia vestra accipere dicebatur, pro mille quingentis marchis argenti facta, sicut in eorundem Regis, Episcopi, Comitis, & Comitissae, & bonae memoriae Archiepiscopi Senonen. & venerabilium fratrum nostrorum Eduen. Lingonen. Antistodoren. & Nivernen. Episcoporum scriptis authenticis & testimoniis pro bono pacis & concordiae continetur, auctoritate apostolica confirmamus & praesentis scripti pagina communimus. Praeterea vobis districtius sub excommunicationis poena vetamus, ne de pecunia ista liceat vobis vel succes-

K iij

Epist. 140.
Ne Praelati visitantes, multitudine ministrorum Ecclesias gravent.
Cap. Cum ad quorundam. De excessu Praelat.

Epist. 118.
De privilegio in fraudem aliorum, & quo privilegiari abutuntur, impetrato, revocando.

Epist. 141.
Concordiam super procuracione cum Comite Nivernen. approbat.
De controversia qua erat inter Comitem Nivernen. & monachos Veseliae. vide To. III. Speculogij Dauberiani pag. 529. & seqq. 583. & seqq.

Epist. 139.